



## 1 Juillet 2020 (Past Zaranaina ANDRIALAMPISON)

**Mpitandrina** : Amin'ny anaran'ny Ray sy ny Zanaka ary ny Fanahy Masina. Amena.

**Hira** : 12 FFPM and 1,2 « Jehovah ô, derainay Ianao” (feo zafindraony)

### Vavaka (Mpitandrina)

**Lohahevitra** : Ny lohahevitra hobanjinintsika amin'ity tolakandro ity dia ny hoe : « *Jesosy Kristy manampahefana amin'ny natiora ary mahery noho ny devoly sy ny fahafatesana Izy.*» Ny Soratra Masina hanankinana ny fanadihadiana dia ny Lioka 8, 22-56.

### Vakiteny 1 : Lioka 8, 22-25

*« 22 Ary tamin' ny andro anankiray dia niondrana an-tsambokely Jesosy sy ny mpianany; ary hoy Izy taminy: Andeha isika hankeny am-pitan' ny farihy; dia lasa izy.23 Ary nony nandeha ny sambokely, dia azon' ny torimaso Jesosy; ary nisy tafio-drivotra nidina tamin' ny farihy, ka nila ho feno rano ny sambo, ary saiky nahita loza izy ireo.24 Ary nanatona izy, dia namoha Azy ka nanao hoe: Tompoko, Tompoko, maty izahay! Dia nitsangana Izy, ka noteneniny mafy ny rivotra sy ny onjan-drano. Ary dia nitsahatra izany, ka tonga tony tsara ny andro.25 Ary hoy Izy taminy:*

*Aiza ny finoanareo? Ary natahotra izy ireo sady gaga ka niresaka hoe: Iza moa Ity, no mandidy ny rivotra sy ny rano Izy, ka manaiky Azy izany! »*

## **Hira : 171 FFPM and 1 « Jeso Mpanjaka malaza »**

### **Vavaka :**

Fisaorana an'Andriamanitra mpahary izao rehetra izao. Izy koa no mitondra sy mitantana ny fiainantsika, koa mendrika hisaorana sy omemboninahitra Izy.

### **Vavaka (Mpitandrina)**

#### **Vakiteny 2 : Lioka 8, 26-31**

*" 26 Dia nitody tany amin' ny tanin' ny Gerasena izay tandrifin' i Galilia izy.<sup>27</sup> Ary raha niala nankeny an-tanety Jesosy, dia nifanena taminy ny lehilahy anankiray avy tao an-tanàna, izay efa nanana demonia, ary efa ela izy no tsy nitafy lamba sady tsy nitoetra tao an-trano, fa teny amin' ny fasana.<sup>28</sup> Fa nony nahita an' i Jesosy izy, dia niantso mafy sady niankohoka teo anatrehany ka niteny tamin' ny feo mahery hoe: Moa mifaninona akory izaho sy Hianao, ry Jesosy, Zanak' Andriamanitra Avo Indrindra ô? masina Hianao, aza mampijaly ahy.<sup>29</sup> Fa Izy nandidy ny fanahy maloto hivoaka tamin-dralehilahy. Fa efa nahazo azy ela izany; ary efa nafatotra tamin' ny gadra, na ny tànany, na ny tongony, ka nambenana izy; nefa notapahiny ny fatorana, ka dia nentin' ny demonia niriotra nankany an-efitra izy.<sup>30</sup> Ary Jesosy nanontany azy ka nanao hoe: Iza moa no anaranao? Dia hoy izy: Legiona; fa demonia maro no efa niditra tao anatin' ny. Ary nifona taminy izy mba tsy handidiany azy hankany amin' ny lavaka tsy hita noanao."*

## **Hira : 654 FFPM and 1,3 « Mba faingana re, ry mino »**

### **Vavaka :**

- Fisaorana an'Andriamanitra noho ny Teniny – izay mitarika antsika hiankina Aminy izay fototra sy antoky ny fandresentsika.
- Fangatahana ny Tompo hamonjy sy hanafaka izay mbola voafatotra sy hampahorian'ny demonia.

### **Vavaka (Mpitandrina)**

#### **Vakiteny 3 : Lioka 8, 38-39**

*"38 Ary ny lehilahy izay efa nivoahan' ny demonia dia nangataka mba hitoetra ao aminy; nefa nampodin' i Jesosy izy ka nataony hoe:39 Modia ihany any an-tranonao, ka ambarao ny zavatra lehibe nataon' Andriamanitra taminao. Dia nandeha izy ka nitory eran' ny tanàna izay zavatra lehibe nataon' i Jesosy taminy."*

## **Hira : 310 FFPM and 1 « Misy maro ao an-tsaha mitaraina »**

### **Vavaka :**

- Ho an'ny Fiangonana, isan'izany ny FPMA amin'ny misiona napetrak'Andriamanitra taminy dia ny fitoriana ny Filazantsaran'I Kristy
- Ho an'ny isan-tokantrano ho vavolombelon'ny fiainam-baovao avy amin'ny Tompo.

### **Vavaka (Mpitandrina)**

#### **Vakiteny 4 : Lioka 8, 40-56**

*"40 Ary nony tafaverina Jesosy, dia nandray Azy tsara ny vahoaka, fa niandry Azy avokoa izy rehetra.41 Ary, indro, dia tonga ny lehilahy atao hoe Jairo, mpanapaka ny synagoga; dia niankohoka tamin' ny tongotr' i*

*Jesosy izy ka niangavy taminy hiditra ao an-tranony.<sup>42</sup> Fa nanana zanakavavy tokana tokony ho roa ambin' ny folo taona izy, ary efa ho faty razazavavy. Ary raha nandeha Jesosy, dia nanety lalana Azy ny vahoaka.<sup>43</sup> Ary nisy vehivavy anankiray narary roa ambin' ny folo taona, izay efa nandany ny fananany rehetra tamin' ny mpanao fanafody, nefa tsy nisy nahasitrana azy akory.<sup>44</sup> Dia nankao ivohon' i Jesosy ravehivavy ka nanendry ny somotraviavin-dambany, ary niaraka tamin' izay dia nijanona ny aretiny.<sup>45</sup> Ary hoy Jesosy: Iza moa no nanendry Ahy? Ary rehefa samy nandà izy rehetra, dia hoy Petera sy ny namany: Tompoko, ny vahoaka betsaka mifanety ka manizina Anao.<sup>46</sup> Fa hoy Jesosy: Nisy olona nanendry Ahy; fa fantatro fa nisy hery nivoaka avy tamiko.<sup>47</sup> Ary rehefa hitan-dravehivavy fa tsy takona Azy izy, dia nangovitra izy ka nankeo aminy sady niankohoka teo anatrehany, dia nanambara teo anatrehan' ny vahoaka rehetra izay anton' ny nanendreny Azy sy izay nahasitrany niaraka tamin' izay.<sup>48</sup> Ary hoy Jesosy taminy: Anaka, ny finoanao no nahasitrana anao; mandehana soa aman-tsara. "<sup>49</sup> Ary raha mbola niteny Jesosy, dia tonga ny anankiray avy tany amin' ilay mpanapaka ny synagoga ka nanao hoe: Maty ny zanakao-vavy; aza manahirana ny Mpampianatra.<sup>50</sup> Fa Jesosy, raha nahare, dia namaly azy ka nanao hoe: Aza matahotra; minoa fotsiny ihany, dia ho velona izy.<sup>51</sup> Ary raha tonga tao an-trano Izy, dia tsy nisy olona navelany hiaramiditra taminy, afa-tsy Petera sy Jaona ary Jakoba mbamin' ny ray aman-drenin-drazazavavy.<sup>52</sup> Ary ny olona rehetra nitomany sy nisaona azy; fa Jesosy nanao hoe: Aza mitomany; fa tsy maty izy, fa matory.<sup>53</sup> Dia nihomehy Azy fatratra ny olona satria fantany fa efa maty razazavavy.<sup>54</sup> Ary Jesosy dia nandray ny tàmany ka niantso hoe: Ry zazavavy, miarena.<sup>55</sup> Dia nody indray ny ainy, ka niarina niaraka tamin' izay izy; ary nasainy nomena hanina izy.<sup>56</sup> Ary dia talanjona ny ray aman-dreniny; fa Jesosy nandrara azy tsy hilazalaza amin' olona ny zavatra efa natao."*

## **Hira : 26 FF and 1,3 "Jesosy reharehako"**

### **Vavaka :**

- Ho an'ny firenena rehetra manerana ny tany- isan'izany I Madagasikara mba handray ny famonjena avy amin'ny Tompo (na famonjena ara-toe-karena izany na famonjena ara-panahy sns.)
- Hetaheta manokana

### **Vavaka (Mpitandrina) + « Rainay izay any an-danitra... »**

#### **Hafatra :**

*"Isaorana anie Andriamanitra, Izay manome antsika ny fandresena amin' ny alalan' i Jesosy Kristy Tompontosika."* (1 Kor 15, 57)

#### **Tsodrano :**

*« Ho aminareo rehetra anie ny fahasoavan' i Jesosy Kristy Tompo sy ny fitiavan' Andriamanitra Ray ary ny firaisana amin' ny Fanahy Masina. »* (2 Kor 13, 14)

*Mpitarika:* Voninahitra ho an'Andriamanitra, Ray sy Zanaka ary Fanahy Masina, Izay hatramin'ny taloha indrindra ka ho mandrakizay.

Mandehana amin'ny fiadanan'ny Tompo. Amena.